

lega. Höfundurinn gerir sér far um að sýna hið eðlilega samþand trúarbragðanna, við líf og síði þjóðanna, og eins orsakir vissra trúarhugmynda í náttúru áhrifum og lífskjörum. Þetta er einn af aðalkostum bókarinnar. Einmitt með því að þekkja trúarbrögðin frá öllum hliðum, og uppruna þeirra, eftir því sem söng eru á, verður gildi þeirra réttilega metið. Hindurvitni og hjátrú hverar þjóðar verða að koma í ljós alveg einsog hæstu trúarhugsjónir hennar til að hægt sé að dæma trú hennar með sannigri. Það er aðeins eitt sem getur brugðið réttu ljósi yfir trúarbrögðin, og það er strang vísdaleg rannsókn. Því fer fjarri að hún þurfi á nokkurn hátt að vera því til fyrirstöðu að það góða og háleita í þeim sé viðurkent; enda viðurkennir höfundurinn það alstaðar.

Óskandi væri að höfundurinn hefði getað varið ofurlítis meira rúmi til að útskýra indversku heimspækina, því í raun og veru er hún miklu merkilegri en trúarbrögð Indverju, sem altaf hafa staðið á fremur lágu stigi hjá alþýðinni, og er jafnvel ennþá fjölgýðistrú, nema hjá mentuðum Indverjum.

Alt sem höfundurinn segir um Gyðingdóminn styðst við nýjustu bíblíurannsóknir og sýnir mjög vel framþróun hans frá fyrstu tímum til spámannanna, og afturför hans eftir að lögmálsrétttrúnaðurinn komst á. Einnig er kennungum Jesú vel lýst, og greinilega tekið fram á hvaða ritum Nýjatestamentisins sé að byggja er um þær er að ræða. En undarlegt er að höfundurinn skuli helst aðhyllast þá útskýringu á upprisu Jesú, að hann hafi ekki dáið á krossinum, þar sem það er miklu trúlegra, að upprisusagan sé bygð á missýningum og munnmælum. Sömuleiðis er ekki áreiðanlegt að Jesús hafi skoðað sig sem Messías, en það er atriði, sem skoðanirnar eru skiftar um.

Bókin hefir mjög mikið af áreiðanlegum fróðleik um öll helztu trúarbrögð heimsins að geyma, sem er settur fram með vísdalegri nákvæmi, en þó svo ljóst að öllum er skiljanlegt. Á stöku stað virðist vera hálf óviðkunnanlega að orði komist, en þess ber að gæta, að íslenzk tunga er ekki auðug af orðum yfir heimspækileg hugtök.